

Օ Տ Ը Ր Ե Կ Ե Ղ Ե Յ Ի

ՌՈՒՍ ՊՐԱՒՈՍԼԱՒ ԵԿԵՂԵՅԻ

(Церк. Вѣст. № № 27, 28)

Աղանդաւորութիւնը մանաւանդ բարձրագոյն զարգացում է Տաւրով նահանգում: Բարտիղմի համար աշխատում են առաւելագէտ կանայք, որոնք մեծ մասամբ գրագէտ են և գաղտուկ հմտացել են իրանց կրօնի վարդապետութեանը: Նրանք գրագիտութիւն սովորում են ոչ միայն դպրոցում, այլ և դպրոցից դուրս: Աղանդաւոր կանանց հակադրելու համար թեմական իշխանութիւնը մտադրւում է կանանց առանձին խմբեր պատրաստել եկեղեցական թեմական դպրոցները աւարտողներին:

Եկեղեցական համախմբումներ են կազմակերպւում Սարատովի թեմում Հերմոգէն եպիսկոպոսի նախաձեռնութեամբ: Համախմբումները կունենան դործունէութեան որոշ ծրագիր՝ հաստատուած հոգեւոր իշխանութիւնից: Այդ համախմբումների հիմնական նպատակը պէտք է լինի ծուխն ու ծխական քահանան՝ ժողովրդի մէջ կրօնական տրամադրութիւնը զարթեցնելու ու զօրացնելու, ժողովրդի մէջ կրօնական գիտութիւններ արժատացնելու և հաւատացեալների մէջ հոգեւոր միութիւն առաջ բերելու համար: Այդ համախմբումներին կարող են անդամակցել պրաւոսլաւները, կրօնական-բարոյական բնաբաններով զրոյցներ կը կազմուեն ժամերգութիւնից դուրս, իսկ կազմակերպութիւնը երբ զարգանայ՝ կը բացուեն կրթական հաստատութիւններ էլ, օրինակ, գրադարան ընթերցարաններ, դպրոցներ ևլն:

Արդէն առաջին համախմբումն կազմուել է Հերմոգէն եպիսկոպոսի նախագահութեամբ: Ներկայ է եղել մեծ բազմութիւն հոգեւորականներից և հասարակ ժողովրդից: Հերմոգէն եպիսկոպոսը բացատրել է այս նոր

կազմակերպութեան նպատակն ու անելիքը, և ջերմ կոչ է արել ներկաներին աջակցել այս սուրբ գործին:

Նովգորոդի սիրացուները պէճք է պատրաստեն ծխական դպրոցներում կրօնուսույց լինելու. որի առիթով Ռուս Սրբ. Սինոդը որոշել է այս սեպտեմբերի 1-ից Նովգորոդի առաջնորդարանում բանալ երկամեայ դասընթացք, ուր երկդասեան եկեղ. դպրոց յաջող աւարտող տիրացուները առանց քննութեան կընդունուեն: Կարեւորութիւն է տրւում եկեղեցական երգեցողութեան: Ուրիշ եկեղեցական դպրոցների ստորին դասարաններից դուրս եկողներն էլ կընդունուեն՝ երկդասեան եկեղ. դպրոցի դասընթացքի, մանաւանդ երգեցողութեան, լրիւ քննութիւն տալուց յետոյ:

Հաւաստի խնդիրների եւ քրիստոնէական կեանքի մասին ընտիր հատուածքի (хрестоматія) հրատարակութիւնը անհրաժեշտ է համարում Մոսկվայի Հոգեւոր Դատարարակութեան Ձանադիր Ընկերութեան կրօնուսույցների բաժանմունքը, և մտադիր է 1911—12 դպրոցական տարուայ սկզբից ձեռնամուխ լինել պատրաստելու և հրատարակելու այն: Ընտիր հատուածքի նպատակը պէտք է լինի ոչ միայն լաւ և օգտակար միջոց պարզաբանելու, հաստատելու, և լրացնելու կրօնուսույցի դասերը, այլ և տալ հետաքրքիր գրական նիւթ ինքնակրթութեան համար կրօնական-բարոյական տեսակէտով:

Այդ նպատակին հասնելու համար մտադրութիւն կայ ի նկատի ունենալ եղած գրականութիւնը ընդարձակ չափով, և նրանից ընտրել բովանդակութեան և ձևի կողմից ամենակարեւորները:

Կրօնաւորներն ու կրօնաւորութիւնները կոչում են վաստակելու Կարմիր խաչի համար: Այս նպատակով Կարմիր խաչի Գլխաւոր Վարչութիւնը օրինադիժ է մշակել, և Սրբ. Սինոդը, որի եղբակացութեանն էր յանձնուած օրինադիժը,

իւր հաւանութիւնը տալով խոստացել է Կարմիր Խաչին իւր աջակցութիւնը.

Կրօնաւորութիւնի եւ կրօնաւորների նախապատաս-
տութիւնը Կարմի Խաչին ծառայելու:

Կրօնաւորութիւններին նախապատրաստելու համար վճռուած է կանանց վանքերում, առաւելագէս այն տեղե-
րում, ուր կան հիւանդանոցներ, բանալ գթութեան քոյ-
րերի դասընթացքներ: Այսպիսի առաջին դասընթացքը
բացուելու է Մոսկվայի Պօկրովեան եւ Պետերբուրգի Վօս-
կրեսենեան կուսանաց վանքերում: Կարմիր Խաչը մտա-
դիր է մի օրինադիւծ մշակել կրօնաւորներին էլ Կարմիր
Խաչի աշխատանքներին կոչել, որպէս գթութեան եղբայրներ:

ՕՐԹՈԴՈՔՍ ԵԿԵՂԵՑԻՆ

Սահմանադրական թիւքիայի նմուշներ. —

Կ. Պօլսոյ Յունաց Յովակիմ Գ. պատրիարքը քրիս-
տոնեաների դպրոցների համար թաքրիր է ներկայացրել
Թուրքաց իրաւանց եւ դաւանութեանց նախարարներին
շեշտելով այն դարաւոր արտօնութիւնները, որ քրիստո-
նեաները վայելում էին Օսմանեան կայսերութեան մէջ
դպրոցական գործում: Այդ արտօնութիւնները անձեռն-
մխելի մնացին մինչև անգամ Արդիւլ-Համիդ արիւնարբու
սուլթանի օրով, մինչդեռ այժմ, սահմանադրական Թուր-
քիայում երիտասարդ թուրքերի կառավարութեան օրով
վտանգի են ենթարկուած եւ քրիստոնեաների դրութիւնը
ամենեւին չէ բարւոքուած:

Այսպիսով, աւելցնում է Հերք. ԲէՏ. (№ 27) տիե-
ղերական պատրիարքի թաքրիրը բաղձակողմանի կերպով
հաստատում է քրիստոնեաների հին ժամանակից հետե-
լնքնուրոյնութիւնը դպրոցական գործում եւ գեղեցիկ կեր-
պով պաշտպանում է այդ ինքնուրոյնութիւնը: Մնում է
ցանկալ, որ Թուրքաց կառավարութիւնը դադարեցնի իւր